


饒州府志

DM250.81
132
#22951
132
:10



饒州府志卷之二十四

人物志四

理學

叙曰道學之有傳自宋史始當其時濂洛關閩諸大儒後
先迭興遠軼前代惜也弗究其用甚甚至有厲禁焉明儒
靜養之說倡自白沙人頗疑其禪至餘姚良知之說起
又大疑為陸學嗚呼非全放下終難奏泊斯非諸夫子
之言乎近世言頓悟者是講言躬修者亦是講學不徒
講願力行何如耳饒郡理學之從來大都自考亭故有

饒州府志

卷之二十四

理學

畔岸而可守續茲脈者代不乏人因脩紀諸君子以為
儀型云志理學

漢張遐

餘干

德化南鄉人字子遠生元嘉間甫四歲母病思

魚遐以手弄錢鬻魚奉母時稱孝童七歲日記萬言年

十一通易大義十三從叔父噩謁徐穉舟泊族湖亭下

明日五舟同發遐為大龜負舟又二長鼉遠其舵舟獨

却前四舟皆遭風壞遐以後免穉異之嘗從穉過陳蕃

會蕃問吳炳易太極炳曰太極在混沌之時蒙昧未分

老子謂一物混成先天地生是也蕃然之時郭泰在坐



禪曰此張選也知易義蕃問選選曰易無定體強名太極太者至大之謂極者至要之謂蓋言其理至大至要在溷沌之中一動而生陰陽陰陽者氣也所謂理生氣而氣寓夫理者是也泰顧炳曰選得之矣蕃驚服爲舉孝廉補郡功曹不就年十九師楊震震每以所授覆之發其意所未及語人曰張選年未二十積學至此詎可量哉當爲天下後世儒宗建寧間召爲五經博士五年遷鴻都門學士以疾還里人有學仙道異術者悉論止之由是四方從學者歲數百人諸葛瞻楊璣蒯琬陸遜

饒州府志

卷之二十四

理學

二

郭珣輩皆其門人年八十三歲卒贈族亭侯所著有五經正義二十卷五經通義三十卷易傳九卷筮原龜原五卷吳越春秋外紀五卷

宋曹建字立之餘干人幼穎悟勵學爲古今文皆可觀一日得河南程氏書讀之慨然盡棄其所爲文覃思于經義聞張栻講道湖湘欲見之不能至有告以沙隨程迥學古行高者卽往從之旣又聞陸氏兄弟獨以心之所得者爲學則又往受其學晚年登朱熹之門從熹過餘干論易之大畜何天之衢建曰何其天之通達也熹大

器之故易傳本其義建家居事母孝待弟侄友愛死之日正冠危坐語其弟曰吾雖病甚然學益進汝當勉之熹爲文表其墓與陸九淵書曰失此良友淳祐間詳刑蔡抗命有司繪像祀于學李伯玉作記初建嘗過熹熹與共飯建辭以食熹知其未也授以無妄後學者稱爲无妄先生

柴元裕字益之餘干人性敏慧慶元間教授家塾通五經長于易爲學以窮理盡性爲本四方從學者衆湯漢饒魯李伯玉皆其弟子題所居齋曰強恕門人稱曰強恕

饒州府志

卷之二十四

理學

三

先生所著有春秋尚書論語解易繫辭中庸大學說史評

程端蒙字正思德興人朱子門人學問淵源獨得其宗自名其齋曰求放心朱子爲大書其扁淳熙七年領鄉貢補太學生時禁洛學持書上諫議大夫王自然責其疏斥正學及對蘓程王氏策問司衡者意在陰詆朱子正思奮筆論曰王氏以佛老之學蠹壞人心蘓氏有立朝大節不以死生變故動心此其天資超卓有非常人所能及者恨其學術未醇未免有戰國策士之餘習繼孔

孟之傳排異端闢邪說道統所傳不歸之二程又其誰哉自知所對不合時好投筆徑去有詩云滿城塵土汚人甚出郭青山入眼多誰取小舟煙霧裏此生真箇老漁蓑自是遂不復應舉居家事親問義理于幾微間多所感悟喪母蒸祭惟本古經以正流俗鄉人效之所著有性理學訓毓蒙明訓學則等書卒朱子贊其像曰嗚呼正思退然如不勝衣而自勝有以舉烏獲之任言若不出諸口而衛道足以摧髡行之鋒俛焉日有孜孜者吾方未見其止乃一朝而至此天曷不假之壽以成其

饒州府志

卷之二十四

理學

四

始終嗚呼此猶不足以見其七分之貌來者亦殆以是想見其遺風通志

柴中行字與之餘干人元裕侄也紹熙進士韓侂胄禁道學校文轉運司移檄令自言非偽學中行奮筆曰自幼讀程頤書如以為偽不願考校調江州教授母喪免廣西轉運司辟為幹官帥將薦之使其客嘗中行中行正色曰身為大帥而稱人為恩主恩相心竊耻之代轉通志行部問民病苦捐鹽息以惠遠民嘉定初遷太學正陞博士轉對首論主威奪而國勢輕次論士大夫寡廉隅

乏骨鯁宜養天下剛毅果敢之氣末論權臣用事苞苴成風宜舉行先朝痛懲賊吏之法謂大學風化首童子科覆試胄子舍選有挾勢者中行力言于長守法無秋毫私出知光州嚴保伍闢屯田百凡具備治行爲淮右最又條畫極邊次邊事宜上之大槩謂邊兵宜如蛇勢首尾相應又言淮襄丁壯在者用兵傾費效力朝廷吝賞失信宜亟加收拾亦可激昂得其死力又言襄陽乃自古必爭之地備寇更宜周密知襄州考覈軍實招補虛籍劾李珙不法明扈再興有功改湖南提點刑獄豪

家橫行一繩以法華亭令貪虐法從交疏薦之中行笑曰此欲斷吾案章也卒發其臬入爲吏部郎官以啟袖君心爲任言士大夫三做好進好同好欺選曹法壞中行持正不爲勢屈由是銓綜平允擢宗正少卿上疏論剛德人主之大權又論朝廷用人外示涵洪而陰掩其迹內用牢籠而微示其機無以服天下之心邊烽告急亟奏內外二失朝廷十憂大要言今日之事人主盡委天下以任一相一相盡以天下謀之三四腹心而舉朝之士相視以目噤不敢言調崇政殿說書極論往年以

道學爲僞學者欲加遠竄杜絕言路使忠義士箝口結
舌天下元氣豈堪再沮壞如此耶又論內治外患辨君
子小人願明詔大臣絕私意布公道出知贛州理宗卽
位以右文殿修撰乞歸與弟中守中立講道南溪之上
湯漢饒魯之徒皆從之遊稱曰南溪先生卒贈通議大
夫賚章閣待制謚獻肅所著有易繁集

傳書集傳詩講
義論語童蒙說

湯漢字伯紀安仁人與其兄干巾中皆知名當時柴中行
見而奇之真德秀在潭致漢爲賓客江東提刑趙汝騰
薦漢于朝詔免解差充象山書院堂長赴禮部別院試

饒州府志

卷之二十四

理學

六

正奏名授上饒縣主簿江東轉運使趙希堅言漢今海
內知名士也豈得吏之州縣哉詔循兩資差信州教授
兼象山書院長淳祐十二年差充吏館校勘改國史實
錄院校勘會大水上封事謂君心敬肆之分實上天喜
怒之由火災應詔上封事謂任天下之人立心不可不
公守天下之重持心不可不敬陛下于皇天祖宗之德
弗永念而報答私恩于羣黎百姓之疾苦弗深恤而富
貴私親公卿在廷其信任不若近習之篤中書造命其
除行不若內批之專則陛下之立心旣未能盡合乎天

下之公矣往者陛下上畏天戒下恤人言內則拘制于
權臣外則恐懼于強敵敬心既不敢盡弛則私意亦未
得盡行比年以來天戒人言既以玩熟而貪汚柄國黷
貨無厭彼既將恣行其私則不得不縱陛下之所欲爲
于是前日之敬畏盡忘而一念之私始四出而不可禦
矣私以爲主而肆以行之此所以感動天地而水火之
災捷出于數月之內也授大學博士轉對言太祖之天
下壞其半者蔡京王黼也高宗之天下壞其半者鄭清
之也又曰苟有志焉則其紀綱必先正其根本必先疆

其藩籬必先固夫然後心廣體胖洋洋而優游其樂無
極舍此不務而徒以九重之深一笑之適以爲樂起視
四境外侮又至矣召試館職遷秘書省校書郎皇太子
冠差充太常博士引賓贊受命進冠箴詔令太子拜謝
陞秘書郎轉對極言邊事以爲今日扶危救亂無復他
策在乎人主清心無欲盡用天下之才力以治兵大臣
公心無我盡用天下之人才以疆本庶幾尚有以匹爲
存之理耳提舉福建尚平劾福州守史嵩之泉州守謝
堯召爲禮部郎官兼太子侍讀尋以直華文閣福建運

判改知寧國府遷提舉江西常平兼知吉州移江東運
判知隆興府召爲尚左郎官兼太子侍讀兼玉牒所檢
討官入奏願陛下端本澄源虛已盡下恢大公之道開
不諱之門使朝廷之上光明洞達而無邪孽之根以撓
其正四海之內歡欣交通而無怨戾之氣以奸其和臣
之忠愛莫切于此遷太府少卿陞兼太子論德改秘書
少監疏論比年董宋臣聲焰薰灼其力能去臺諫排大
臣結連覓渠惡德叅會以致兵戈相尋之禍陛下灼見
其故斥而遠之臣意其影滅而跡絕矣豈料夫陰消而

再凝氷解而驟合既得自便卽圖復用上下惶惑大小
切齒而陛下方爲之辨明大臣方與之和解臣竊重傷
此過計也自古小人復出其害必慘乞休致擢太常少
卿太子以書勉留求補外以秘閣修撰知福州福建
安撫改知隆興府度宗卽位召奏事受太常少卿兼國
史院編修官實錄院檢討官遷起居郎兼侍讀入奏言
願陛下持一敬心以正百度則追養繼孝所以報先帝
者必益致其隆先意承志所以事太母者必益致其謹
其愛身也必不以物欲撓其和平其正家也必不以私

昵察其法度政事必出于朝廷而預防于多門人才必
由於明揚而深杜于邪徑兼權中書舍人權兵部侍郎
陞兼同修國史實錄院同修撰兼直學士累請致仕授
華文閣待制知寧國府賜金帶久之又召爲刑部侍郎
兼侍讀以龍圖閣待制知福州福建安撫使知太平州
權工部尚書兼侍讀以顯文閣直學士提舉玉隆宮進
華文閣學士以端明殿學士致仕卒年七十一特贈正
奉大夫謚文清著有文集六十卷

董銖字叔重德興人從朱熹遊熹凡遇來學者必命銖與

澆州府志

卷之二十四

理學

九

辨難然後折衷嘉定元年登進士任金華尉所著有性
理註解易書註卒黃勉齋誌其墓學者稱盤澗先生同
邑先後有王過董夢程董鼎沈貴瑤董琮過字幼觀朱
子門人溪明性理之學時立三賢祠于學宮以董銖程
端蒙王過竝祀夢程字萬里受朱子之學于黃勉齋學
有原委登開禧進士官至朝散郎欽州通判註詩書二
經爾雅通釋鼎字季亨受學於黃勉齋得朱子遺緒嘗
註詩書二經訓釋四書疏義孝經大義等書後人爲立
溪山書院祀焉貴瑤字誠叔受業董夢程學程朱之學

有雅註及正蒙疑解采入書易註釋琮字玉振慶元間
進士任龍陽簿受業董銖得程朱之學所著有書傳疏
義復齋集

饒魯字伯輿又字仲元餘干人紹熙癸丑魯生是夕父夢
驪龍在田先是靈芝產室東北楹魯自髫齒有志于學
稍長從黃幹李昉學幹問論語首篇時習習是如何用
功魯曰當兼二義繹之思慮熟之踐履故傳註曰時復
思繹于思慮習也又曰學者將以行之于踐履習也幹
大器之嘗以易赴棘試不遇歸與胡志仁專意聖賢之

饒州府志

卷之二十四

理學

十

學以致知力行爲本中書舍人趙汝騰御史董槐等相
爲引薦其奏云饒魯氣象雍容踐履平實議論純正操
守貞固久棄科舉業一意性理能信能疑能擇能守先
之以致知本之以慎獨左司諫揚巾薦饒魯乃黃幹李
昉高弟實朱熹正派提刑蔡抗亦薦饒魯性資樸茂操
履純實探索精微思致深遠有悠然自得之趣確乎不
拔之守累薦召不起時理學大明師儒攸屬四方聘講
無虛日作朋來館以居學者又作石洞書院前有兩峯
因號雙峯卒門人私謚曰文元著有五經講義春秋節

傳語孟紀聞唐學纂述十一圖太極三圖西銘圖行于世

史邈字守易浮梁人行端學博宋熙寧進士爲司農主簿

王安石薦其才神宗召對與語大悅之擢兵部郎中太

平通判後以議新法不合退而授徒講學遠近學者翕

然宗之號曰江東天子所著有易傳春秋發微并詩文

十九卷

元朱公遷字克升樂平人父梧岡聞同邑準軒吳中行得

朱子門人黃幹之學于饒魯遂在準軒學焉至正初徵

至京師授翰林直學士院勸帝親賢遠佞修德卹民諸

饒州府志

卷之二十四

理學

十一

事當國者惡其切直章七上乃出爲金華學正于經傳

百家之書禮樂律曆制度名物之數無不通貫悉究用

力于聖賢之道以正心誠意爲學真知實踐爲功天性

仁孝勤于著述註釋四書經傳極其精確而又善于訓

迪從學者常數百人學士黃潛最少許可一見公遷特

加敬愛 稱其道德文章卓然名世所著見言行志

大全性理諸書

吳存字仲退鄱陽人自少力學有卓識部使者姚燉與屯

希魯勸以仕不答延祐元年設科取士邑尹三造請試

固辭牒上無存名總管史元曰不可無吳先生強起之
中選授本路學正任不及代歸調寧國路學教授未久
引年去任授本縣主簿尋致仕七年聘主本省鄉試至
元五年卒于家年八十三存生而孤鞠于祖母戒勿飲
酒遂終身不近杯勺嘗語門人劉耳曰誠而樂始足爲
學樂在心心誠則樂一言一動不可不誠不誠不樂也
所著有程朱易傳本義折衷鄱陽續志月灣詩藁孫用
臧用梅並有文名

明王逢字原夫樂平人幼穎異不凡天性孝友比長默契

饒州府志

卷之二十四

理李

十二

義理之學師事野谷洪公初初之學得于朱公遷遷得
之于準軒吳公中行準軒得之雙峯饒公魯道脈所自
逢以心會焉乃厭科舉業研精道德性命之懿淹貫經
史明宣德元年薦授富陽訓不就退歸鄉塾日與門人
何英吳存余進等相友善道益明學益成宣德三年復
以明經辟及門強起之召見極論禮樂二字日晡不徹
明日復賜對上問堯釜二字逢未對遂堅辭不就職歸
卽杜門環堵足跡不入城市毅然以斯道爲己任每語
人曰乾坤儘有幽棲孔顏自有真樂何必外求著有言

行志自書其廬曰松塢學者稱爲松塢先生祀邑鄉賢
何英字積中鄱陽人性警敏絕人不事詞章學于王松塢
得饒雙峯黃勉齋之傳造詣益深累薦不起建玉溪書
院以納天下來學所著有四書釋要詩經增釋易經發
明諸書

胡居仁字叔心餘干人幼穎異有大志家世業儒至叔心
益窘鶉衣蔬食若將終身齧時得隣家遺物還之嘗從
于太守準受春秋知無所得曰學詎止此乎及聞吳與
弼講學崇仁心慕之乃見與弼與弼亟稱嘆以爲非常

饒州府志

卷之二十四

理李

十三

人退而益加充廣盡棄舊學以斯道自任杜門讀書會
親喪哀毀骨立悉依古禮既卜兆爲雕兒掘其墓居仁
曰訟無實之詞居仁不敢于有司顧君父讐誓不共戴
天後及爲雕兒陷繫獄陳獻章以書激邑人王事蘓章
章力救得直旣免喪乃東游錢塘太湖窮金陵閩浙之
勝憐然歸故山築室南谷講學謝絕人事學士張元禎
修撰羅倫皆嘉賞提學李齡鍾玳相繼延至白鹿洞銳
意倡明聖學語詳洞志且薦其徒有行義者陳大申輩
與共事非當道意鬱鬱不得志亾何居仁謝病去其學

以主忠信爲本求放心爲要謂身心內外必主一故
以敬名齋自號敬齋雖在暗室屋漏夫婦如賓榘植篔
篋沒齒不相渝亂應接賓客巾履儼然或靜坐終日不
見有惰容涵養體認食息不違故其詩曰謹獨功深切
防微意最佞爭交真在此要不愧皇天其言學也則曰
惟爲已則所從不差然後可以治人言治則曰惟王道
能使萬物各得其所又曰一日克已復禮天下歸仁此
王道之本也操履甚堅達於晝夜死生之變不爲浮議
流俗所遷染而欣戚富貴得喪勢利舉不足動其心成

化甲辰卒所著有居業錄敬齋集易春秋通解楊廉稱
居仁其言精確簡當粹然出于正者又云敬齋嚴毅清
苦力行可畏其議論實由涵養體認所得羅欽順謂居
仁大類尹和靖皆是一敬做成明萬曆詔入文廟從祀
蓋曰文敬又命建正學祠於邑東山有司春秋祀之
張吉字克修號古城餘干人生有美質信古好學以名節
自砥礪初從鄉先生學見諸生簡擇經傳以資提徑吉
嘆曰士當治五經今業一經而所遺如此豈聖人之言
亦有當去取者耶遂歸而力購諸經及宋儒諸書讀之

既見大意曰道在是矣于是益自奮勵務踐履實學
成化丁酉魁鄉薦辛丑登進士除工部主事時胥祿李
汝省僧繼曉以左道進會星變吉上疏顯劾二人罪其
黨欲撫吉過不可得諷吏部尚書尹旻謫吉景東通判
景東處西南邊其民鄙戾土官陶洪兒吉空囊無家室
且謀爲置妾遺諸銀器吉盡却之遣子榮來學榮聞教
卽能善事其父遇母忌日或強以酒肉卽走避之民漸
知化葺齋舍讀書其中作楨獨窮理改過求仁四箴書
置座右以自勵讀呂榮公家傳作佛學論進表闕下遷

饒州府志

卷之二十四

理學

十五

肇慶同知築堤防水亘三縣又爲寶以殺衝決民以吉
號名堤以吉姓名實庚戌孝廟追念母后欲推恩所自
遣使諮訪時有冒椒房親者吉躬詣其地得實以聞與
陳獻章相往還論學亦不盡合與其徒陳冕輩力論異
學之弊冕大悟遷梧州府知府崇正學飾文廟樂舞政
教竝行陞廣西兵備副使推誠御下申教令嚴武備府
江山川盤結林木蒙霧吉爲扼要害以賊恃藥弩中者
必灰厚募解毒藥多置換牌重賞聞諜邀截出入又以
府江東西二賊相爲犄角而東賊慄悍尤甚遂併力于

東數月之間斬獲甚衆由是西賊聞之亦皆自戢府江以寧後考績入京有更張其法者賊復乘時而起鎮巡以聞詔促吉還任在府江七年武廟御極邊方侵擾陳便宜策進正心之說以寓諷諫其學以濂洛關閩爲宗嘗以朱陸之學異論紛紛謂學朱不得猶不失爲博達之士學陸不得流爲禪釋必矣作陸學訂疑常斟酌祭禮成書于家最爲精當以貴州布政使養病家居卒

余祐字子積鄱陽人幼穎異不樂治舉子業慨然以聖賢日期師事餘干胡敬齋先生先生大奇之以女妻焉成

化丙午舉于鄉己未成進士授南京刑部主事陞員外郎中以事忤逆瑾落職薦知福州陞山東臬副備兵徐州詰進鮮中貴私貨誣逮廷杖下詔獄獄中著性書三卷謫南寧同知稍遷韶州投劾去世世宗御極詔復原官副使薦陞河南按察使湖廣右布政轉雲南左尋以大僕卿召陞吏部右侍郎未任卒祐之學問發端于敬齋者最久而推其本原以爲出于程朱故尤究心程朱之書其言曰程朱教人以誠敬爲入門學者惟去其念慮之不誠不敬者使心地光明篤實不患不至聖賢地位

平生無他嗜好專心理學卒爲名儒所著自性書外有
認齋集續彙經世大訓游菴至論諸書行世

舒春芳字景仁鄱陽人父載道 嘉靖辛丑進士乞歸養
親終授兵部主事未幾卒部使者表其閭曰孝廉春芳
少穎敏年十五補諸生癸卯舉于鄉明年登進士授南
刑部主事接丁內外艱服闕補刑部以疾乞歸杜門謝
容授徒芝山寺日取經史與宋儒語錄玩味講授有當
心處輒手錄之每日變化氣質須謹言爲先又曰學者
最要窮理理不明則偏偏則必妄邑令毛孔犀古君子

饒州府志

卷之二十四

理學

十七

也篤信之遺子及門受業焉時語人曰舒先生靜養山
中人服其恬退以予觀之蓋大有力者告滿仍補原
官署員外郎擢福建僉事備兵建寧連禦海倭山寇底
靖一方暇日進諸生講析考亭西山之學風其鄉人刑
示東萊官箴以勵屬吏叅政湖廣值景王之國攝綜供
億事集費省時卸馮大饑制勸糶詩風曉富民而嚴刑
借之禁市糶流通全活者衆陞貴州提學副使未任卒
于楚年僅四十有六惜未盡其用春芳天性醇篤口無
妄言質行自然毫非矯強其學師法薛河東反身懋求

切問近取不爲空譚所至以學爲政當理近情感人勳
物嘗謂吾讀西銘而于心之量無所隘焉讀定性書而
于物之誘無所惡焉嘗詠云色貨兩關須打破古今到
此幾男兒又云乾坤俯仰心無愧終夜安眠夢亦清其
深造自得蓋如此父子祀鄉賢稱濟美云

史桂芳字景實鄱陽人幼豪邁不羈嘉靖癸丑第進士折
節向學始令歛多富人子不愛厚幣借交力抑之時柄
相假子趙文華以九卿視師浙直張甚檄取歛萬金犒
師不辦懼以禍弗爲動賴張中丞景賢曲解乃已遷南

饒州府志

卷之二十四

理學

十八

刑部主事值耿恭簡督學留都相友善以第定力從之
遊歷郎中出守延平敝衣夾履携一奚童之任才七日
聞祖母憂去服闋補汝寧甫下車門屏以內肅然風清
出則雙導一蓋人莫知其爲太守所至問民疾苦聞稅
司及崇藩邏卒滋害卽毅然裁革演聖諭六條爲歌使
木鐸警于途朔望行鄉約縛罪囚箠之百給節孝善良
粟帛示懲勸焉柴山盜四十八人化孝廉官思恕之教
願自新聞于桂芳召詢之許以免罪等皆爲良民屬大
計給事中張鹵疏薦治行異等宜特旌而當路有病其

矯激者遂遷兩湖鹽運使垂橐而歸無長物竟以前任
議調自是家居三十餘年屢薦不復出郡守史官陳吾
德先後簡諸生侍講席多所成就嚴穎州而泰廉肥鄉
靖朱永福大德其表表者嘗語門人曰天行健君子以
自強不息一息便與天不相似又曰平生受用只一耻
字觸著時便赤頰痛心其真切如此敝袍菲食人所弗
堪其清高品格政不關是卒年八十有一

劉芝陽日史
公行實言人

人殊茲據汝寧李叔茂編汝南志麻城耿子健
撰墓誌邑人陳葵仲著傳校其同者集為傳

陳嘉訓字葵仲鄱陽人受學于邑先達史常惺生平端嚴

饒州府志

卷之二十四

理學

十九

清苦與人不苟合萬曆乙酉領鄉薦第二登己丑進士
初授行人卽慨然有澄清天下之志一時名流如鄒公
元標顧公憲成劉公曰寧皆相與砥節礪行者也兩領
冊封一典粵東試所歷識拔名士留意風俗民隱清操
凜然戊戌行取有不便其居內任者相與排之乙巳出
爲南吏科甫入垣卽裁正上供錢糧聿清耗蠹中貴人
憚之時言宮遷延未定屢疏請立光宗及論罷閩越兩
巡撫與有司之不肖者又疏救劉元珍龐時雍等先是
科員命下例當面閣時相溫顏畱與語嘉訓不爲動辭

出至南中不踰年竟論罷之嘉訓亦以是謫歸杜門不
交賓客山居野處惟會友講學人方得覲其面當年經
濟不可殫述如議徵解議建省倉議巡按不必交代但
設往來兩篆若此者皆利在民生者也居恒淡嗜欲厭
聲色一時風俗化之士尚廉隅人敦儉樸官有懸魚之
節獄無飛霜之冤議者或疑其過刻不知時當明季不
矯枉則不能返正是益不得已而勵世磨鈍者也卒年
五十一貧無以殮知交賻助之至今學者咸稱爲思崗
先生云

饒州府志

卷之二十四

理學

二十

廉靖字安卿鄱陽人少從鄉先達史常惺遊究心理學登
萬曆丙子賢書署河南魯山諭擢知肥鄉縣蒞任三載
民甚德之會新任司李意有所需督過之遂乞致仕邑
有劉生去非者初以誣陷獄靖察其冤力白之得釋尋
登第代巡西江臨饒造廬奉三百金爲壽力辭弗獲曰
此德金也因置義田以供祭祀及資子弟之讀書而貧
者先是其父以恩選擢州判未任卒靖自都扶柩歸貧
不能葬厝宅後弗舍值雪心動欲移歸正寢諸昆弟以
俗忌不果靖卽壞已垣移之卧內不一瞬而茅舍頽矣

夜夢人語曰明日雪霽出北門見雙飛蝴蝶止處卽汝
父墓所次早如其言行五里許一山雪積惟丈餘無雪
遂得卜葬人以爲孝感云又嘗一夕坐館中見光火燭
地呼主人至掘地得金主人請分之靖曰我寒士弗敢
當汝悉持去祇記其若干數可耳靖卽以是年舉于鄉
後令肥鄉歸檢其俸適與前金數符益信其爲前定也
居林下與祝世祿史梓芳講學不輟劉司空贈以聯云
衛公筆墨猶勤學陶令歸來不厭貧卒年九十祀于鄉
所著有厚本集清源集等書

饒州府志

卷之二十四

理學

二十一

江和字不流鄱陽人質性貞嚴于人不少欺孝事祖父母父
母疾嘗祝以身代爲諸生勤篤古學泊陽令鍾公化民
甚器之曰君天下士也當晚成萬曆庚子癸解江省丁
未魁南宮布袍徒步無異諸生特初任刑曹謂刑者刑
也一成而不可變君子宜盡心焉及欽恤關陝多所平
反且以江右官徵官解法易秦民累適甘肅告警指授
方畧賴以無虞有二帥以千金餽俱却之出守成都三
年當人覲簡橐中纔九十金藏吏憚故事不敢行日行
矣無虞入都門僦處一僻巷蕭然蔬食課最註上考擢

滇南學政東粵糧儲所至飲冰盡瘁熹宗初晉福建按察使得馳封三世喜曰吾遂初矣遂致仕歸年始六十及瑞祠作獨得翺翔寥廓其知微如此自是廿餘年薦疏屢上堅卧不起當時名卿如雷公躍龍李公大受家公大亨皆其所首拔士也里居惟以究心理學爲務與許大忠閔翼明諸耆儒立景仁會月三至倦倦以誘進後學爲已任故淮王涵玉建善菽書院延以師表宗儒其文章氣格似歐曾丰采如劉安世坐終日益恭臨終披衣整冠惟呼轎馬云壽八十四祀鄉賢

杭州府志

卷之二十四

理學

三二

許大忠字元甫鄱陽人生而清癯博覽羣書爲諸生有聲後遂厭習舉子業遍訪名賢務求正學每有微言令人意解時登會講不拾人唾餘襟懷爽朗具有康節遺風平生積貲五十金盡出以付司會者爲景仁堂講學費此尤寒素所難太守靜涵張公與爲布衣交每微行造訪焉而元甫雖公事亦未嘗一詣公庭卒年八十一祀

鄉賢

閔翼明字襄甫鄱陽人邑庠生天性孝友父母早歿結廬墓側獨居十年餘方入城市當事亟旌異之鄉先達贈

有閔孝子詩生平潛心理學嘗曰學以至敬爲入手工夫凡一言一動當期質鬼神而後可與同邑江不流許元甫諸公講學于胡公祠寒暑不輟著有真種子等書上督學陳雲怡極贊賞之五舉優行學憲陸之淇獎云學究考亭理研洛水廬墓之孝可以格天種子之傳允宜垂世等語年十六卒

張時字別號界軒幼孤育於祖母貧而好學傭耕以養祖母勉之曰爲貧而仕亦有時也因名時爲出就試既領恩薦撫然曰仕以爲親也養不逮栖栖何爲遂不仕性

方巖嘗讀禮至頭容直目容端憬然心省自是一從事於視聽言動讀昔賢語錄識爲學大本在內而不在外乃取紙勒格視心存放書敬怠字爲進修日錄名讀書處曰內續欲內力相續不間也後悟尚求諸內未免有徑約之失乃取主一無適之旨密求之無事則存養此心有事則念不他及隨所得記曰六一寤言謂則此夢而今始覺也

國朝象陸翟公禮敬甚曰潛心爲學默紹胡敬齋張古城之傳者先生是也其著述有爲學約言讀近思錄喪禮

去非讀左言詩集文集藏於家

饒州府志卷之二十四終

饒州府志

卷之二十四

理學

二十四